



Број: 01/4-50-3-4-9/15  
Сарајево, 30.6.2015.

## Z A P I S N I K

### **9. sjednice Komisije za finansije i budžet Predstavničkog doma Parlamentarne skupštine BiH, održane 29.6.2015., od 12,00 do 12,50 sati.**

Sjednici Komisije prisustvovali su članovi: Predrag Kožul, Salko Sokolović, Amir Fazlić, Mirsad Isaković, Aleksandra Pandurević, Damir Bećirović i Jasmin Emrić.

Opravdano su odsustvovali Dušanka Majkić i Nenad Lalić.

Sjednici su, također, prisustvovali: Damir Arnaut, poslanik u Predstavničkom domu Parlamentarne skupštine BiH, Nedeljko Tanasković, šef odsjeka u Ministarstvu finansija i trezora BiH, Samir Mušović, savjetnik, Aleksandar Paleksić, saradnik, Karlo Holub, saradnik u USAID SGIP, Robert Vidović, sekretar Komisije za finansije i budžet Doma naroda PSBiH, Alma Salkić-Mijić, stručna savjetnica za zakonodavno-pravna pitanja i pravo EU, Aida Kreho, stručna savjetnica za zakonodavno-pravna pitanja i pravo EU Zakonodavno-pravnog sektora PSBiH, Zoran Brkić, viši stručni saradnik za informiranje u Sektoru za odnose s javnošću Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici su, također, prisustvovali i predstavnici medija: Davor Stupić, novinar BH radija 1, Ognjen Begović, novinar SRNA-e, Semira Degirmendžić, novinarka Dnevnog avaza, Azira Hrustemović, novinarka BHRT-a, Amra Kardović, novinarka TV Alfa, i Željka Domazet, novinarka Glasa Srpske.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

## DNEVNI RED

1. Usvajanje Zapisnika 8. sjednice Komisije;
2. Razmatranje Prijedloga zakona o dopunama Zakona o plaćama i naknadama u institucijama BiH – prva komisijske faza (predlagač: poslanik Damir Arnaut);
3. Tekuća pitanja.

### **Ad.1. Usvajanje Zapisnika 8. sjednice Komisije**

Zapisnik 8. sjednice Komisije za finansije i budžet usvojen je jednoglasno bez primjedbi.

### **Ad.2. Razmatranje Prijedloga zakona o dopunama Zakona o plaćama i naknadama u institucijama BiH – prva komisijska faza (predlagač: poslanik Damir Arnaut)**

Prijelag zakona o dopunama Zakona o plaćama i naknadama u institucijama BiH obrazložio je Damir Arnaut, poslanik u Predstavničkom domu Parlamentarne skupštine BiH.

Potom je otvorena rasprava u kojoj su učestvovali: Aleksandra Pandurević, Mirsad Isaković, Salko Sokolović, Amir Fazlić, Jasmin Emrić, Damir Bećirović, Predrag Kožul i Damir Arnaut, poslanik u Predstavničkom domu PSBiH.

Nakon rasprave, Komisija je, s pet glasova „za“, jednim glasom „protiv“ i jednim „suzdržanim“ glasom, usvojila sljedeće zaključke:

1. Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o dopunama Zakona o plaćama i drugim naknadama u institucijama Bosne i Hercegovine i traži od Ministarstva finansija i trezora BiH da u roku od 15 dana dostavi mišljenje o Prijedlogu zakona.

2. Komisija za finansije i budžet Predstavničkog doma Parlamentarne skupštine BiH traži od Vijeća ministara BiH da u roku od 15 dana izradi i dostavi informaciju o realizaciji zaključka koji je donio Predstavnički dom Parlamentarne skupštine BiH na 6. sjednici, održanoj 11.2.2015., a koji glasi:

„Zadužuje se Vijeće ministara BiH da pripremi i uputi u proceduru izmjene cjelokupnog zakonodavstva koje se odnosi na obaveze i prava imenovanih i izabranih lica u institucijama BiH, uključujući i Zakon o plaćama i naknadama u institucijama BiH, Zakon o sukobu interesa te podzakonske akte koji proizlaze iz njih (pravilnike o radu upravnih i nadzornih odbora, pravilnike o naknadama za rad u interresornim radnim grupama, komisijama i radnim tijelima, pravilnike o nabavci i korištenju službenih automobila).“

### **Ad.3. Tekuća pitanja:**

#### **Upoznavanje Komisije sa Izvještajem Ureda sekretara Komisije o održanom orijentacionom seminaru u Mostaru**

Predsjedavajući Komisije konstatirao je da je Komisija primila k znanju Izvještaj Ureda sekretara Komisije o održanom orijentacionom seminaru u Mostaru.

**Sekretar Komisije**

Željko Kosmajac

**Predsjedavajući Komisije**

Predrag Kožul

Prilog: Neautorizirani transkript 9. sjednice Komisije za finansije i budžet PDPSBiH